

Nañ jīrupoto nebarara drōarāba jaradia panabaria droaēnaāba ara warrarāa, mañ warrarāba ara warrarāa. Mañda Jīrupotora tosiāaa jīru potode. Idyi tosiāade dyi papara jaidasia puaba.

Mañ bēra mañ warrara dyi werakau dyibarirāba daupē panesiāaa. Ādyirāba darāene kawasiāaa mañ warrarāra kīrā awara ðada juma dewarāra kayāabara. Mañ bēra naūraba, baidoba, egoroba idyi bedeara ijābadyidada.

Jirūpotoba baridua iwidibabadyia idyi papara samā ða kawai karea. Idyira wērābaba bio kīrama pananabēra beadi karea kurgabadyiāaa jarabadae kāre ne cadyiruaba idyi papara beasida. Ara mañda jīrupotoba beade wābadyia dyi animarāra.

Jeba idyi papara beasida jarasiāade oedasia mojou ābaa kājanada ameneāra wāi karea. Chiruda edeesia zai karea wābarāmisa amene ārā. Dji jeba idyira mitasiēda edaāba dyi sora tatasia beai carea.

Dewara ewariēda jarasiāaa idyi papara edecobaa beasida ara mañda beai karea ðesia duēdu batabuei karea. mamaāba udu zebaraēda egoro edre ðaeēda wāsia amurucorāmaa. Mañ amurukorārā beudaicha kedea bēra bariduaba beabadyiāaa. Mañ bēra jirupotora ādyiba bio kirā ero panasiāaa ādyirāra karebabadyibēra.

Bio mezrā ða karea amurukorāba jēdaa diabuesiāaa nañ ējūanaa trā droma ārā ðadapeda. Mawā osiāaa idyia jaraðabēra idyi ēberārada bio krīðabarida, unu kirā ðada.

Mama baða karea beadi karea jarasiāaa duedabema chibigui dromaba idyi papara beasida. Mañ chibigui dromara beadi karea bio zarea ðasia. Ni kāreasiāda eda wākabasiberā idyi dyaraēda. Dueða acāēda wabaraēda dyi chibiguiba kīrāmeba jiru potode su jidasia. Poya ēðraēda kawasiēda juma animara idi ewariēda oa dobada ðeara trā jarasia. Mama juma idi ewariēda dadyi oa dobada ðeara odyakuasiāaa.

Mañ bēra jarabadaa jirupotora waði dadjirā tāena ðada, beuē basida.